



*Ministry of Civil Affairs*

Broj: 15-16-1-2563-13-NK/16  
Sarajevo, 06.03.2017. godine

<b>BOSNA I HERCEGOVINA</b> <b>PARLAMENTARNA SKUPŠTINA BOSNE I HERCEGOVINE</b> <b>SARAJEVO</b>			
PRIMLJENO: 17.03.2017			
Organizaciona jedinica	Klasifikaciona oznaka	Redni broj	Broj priloga
01-50-1-15-40/16			

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**PREDSTAVNIČKI DOM**

**Predmet: Informacija o stanju u oblasti deminiranja u Bosni i Hercegovini sa Akcionim planom za otklanjanje primjedbi revizije učinka, dostavlja se**

**Veza: Vaš akt, broj 01-50-1-15-40/16 od 29.12.2016. godine.**

Poštovani,

U skladu sa zaključcima sa 40. sjednice Predstavničkog doma Parlamentarne skupštine BiH, održane 29.12.2016. godine i zaključkom sa 88. sjednice Vijeća ministara BiH, održane 18.01.2017. godine u prilogu vam dostavljamo **Informaciju o stanju u oblasti deminiranja u Bosni i Hercegovini sa Akcionim planom za otklanjanje primjedbi revizije učinka u oblasti deminiranja po Izvještaju o reviziji učinka na temu „Efikasnost sistema deminiranja u Bosni i Hercegovini“, broj 01-02-03-10-16-1-1101-6/16, od 04.11.2016. godine.**

S poštovanjem,

Prilog:

1. Informacija,
2. Zaključak VM BiH sa 88. sjednice.



**DOSTAVITI:**

1. Naslovu,
2. Arhivi.

## I N F O R M A C I J A

o stanju u oblasti deminiranja u Bosni i Hercegovini sa Akcionim planom za otklanjanje primjedbi revizije učinka u oblasti deminiranja po Izvještaju o reviziji učinka na temu „Efikasnost sistema deminiranja u Bosni i Hercegovini“, broj 01-02-03-10-16-1-1101-6/16, od 04.11.2016. godine

Po prvi put izvršena je revizija učinka u oblasti deminiranja. Revizija učinka i utvrđivanje stanja u deminiranju je obuhvatila desetogodišnji period 2005-2015, tj. period koji je prethodio aktuelnom sazivu Vijeća ministara, aktuelnom ministra civilnih poslova, aktuelnoj Komisiji za deminiranje u Bosni i Hercegovini (u daljem tekstu: Komisija) i aktuelnom rukovodstva Centra za uklanjanje mina u Bosni i Hercegovini (u daljem tekstu: BHMACH). Zato naglašavamo da su određene aktivnosti, naložene u preporukama, realizovane, da je u toku realizacija drugog broja aktivnosti i da će se preostale aktivnosti realizovati u zadatim vremenskim okvirima.

U tom smislu je Ministarstvo civilnih poslova Bosne i Hercegovine (u daljem tekstu: MCP) u toku 2015. godine izradio Nacrt Zakona o protivminskim aktivnostima u Bosni i Hercegovini koji nije usvojen u Vijeću ministara Bosne i Hercegovine (u daljem tekstu: VM BiH), ali je zaključeno da MCP izradi Nacrt Zakona o izmjenama i dopunama Zakona o deminiranju u Bosni i Hercegovini. Nakon toga VM BiH je imenovalo Radnu grupu (u kojoj su, osim predstavnika MCP-a, Komisije i BHMACH-a, imenovani i predstavnici Ministarstva odbrane BiH, Federalne uprave Civilne zaštite FBiH i Republičke uprave civilne zaštite RS) za izradu pomenutog Zakona koja je uradila Prednacrt Zakona o izmjenama i dopunama Zakona o deminiranju u Bosni i Hercegovini, koji se trenutno nalazi na usaglašavanju a nakon čega će, sa pribavljenim mišljenjima nadležnih institucija BiH, biti dostavljen VM BiH na razmatranje i usvajanje.

Osim navedenog, u prethodnom periodu, na prijedlog Komisije i MCP-a, VM BiH je usvojilo Odluku o dopuni Odluke o osnivanju Centra za uklanjanje mina u Bosni i Hercegovini i imenovalo novo rukovodstvo BHMACH-a. Takođe, organizovana su i održana dva sastanka Odbora donatora, potpisan je Sporazum o sufinansiranju između Razvojnog programa Ujedinjenih nacija (u daljem tekstu: UNDP) i MCP-a na implementaciji Projekta kako je to opisano u projektnom dokumentu „Projekat protivminskog upravljanja i rukovođenja“, otpočete su određene aktivnosti oko izrade Revizije Strategije protivminskog djelovanja u Bosni i Hercegovini za 2017. godinu, za VM BiH sačinjena je Informacija o otklanjanju primjedbi revizije učinka u oblasti deminiranja sa predloženim zaključkom da MCP-a pristupi izradi izmjena i dopuna Pravilnika o unutrašnjoj organizaciji, radi prilagođavanja organizacione strukture ciljevima institucije, pri kraju su aktivnosti oko izrade Prijedloga Pravilnika o unutrašnjoj organizaciji BHMACH-a itd.

Komisija je na 22. sjednici, održanoj 07.12.2016. godine, izvršila analizu Izvještaja revizije učinka na temu „Efikasnost sustava deminiranja u Bosni i Hercegovini“, Ureda za reviziju institucija BiH i zaključila da se, u skladu sa nalazima i preporukama iz Izvještaja revizije i zaključka VM BiH sa 81. sjednice, održane 16.11.2016. godine, Kabinetu ministra civilnih poslova predloži izrada **Akcionog plana za otklanjanje primjedbi revizije učinka u oblasti deminiranja**, kojim bi se uspostavio sistem s jasno definisanim ciljevima, odgovornostima, resursnim potrebama za uspješnu realizaciju zakonskih obaveza MCP-a, prilagođavanja organizacione strukture ciljevima institucije, definisanje svrhe i pravila potrošnje odobrenih sredstava za aktivnosti deminiranja itd. Zaključeno je da će Akcioni plan izraditi Radna grupa koju će imenovati ministar civilnih poslova. Ministar civilnih poslova je imenovao radnu grupu čiji članovi su predstavnici MCP, Komisije i BHMACH-a. **Nakon što je ministar civilnih poslova donio rješenje o imenovanju Radne grupe, ista je održala dvije sjednice na kojima je izvršena**

analiza Izvještaja revizije učinka, razmatranje zaključaka VM BiH sa 81. sjednice, održane 16.11.2016. godine, zaključka VM BiH sa 88. sjednice, održane 18.01.2017. godine, zaključaka Predstavničkog doma Parlamentarne skupštine Bosne i Hercegovine sa 40. sjednice održane 29.12.2016. godine i zaključaka Doma naroda Parlamentarne skupštine Bosne i Hercegovine sa 26. sjednice održane 01.02.2017. godine i sačinjena ova informacija sa Akcionim planom za otklanjanje primjedbi revizije učinka u oblasti deminiranja sa tačno određenim mjerama i aktivnostima koje su preduzete, nosiocima aktivnosti i rokovima za izvršenje aktivnosti.

Ovdje takođe valja spomenuti određene aktivnosti koje je novoimenovano rukovodstvo BHMAC-a, u saradnji sa Komisijom, poduzelo u periodu nakon imenovanja do sada, a što korespondira sa preporukama iz predmetnog izvještaja. U BHMAC-u su poduzete aktivnosti na izmjenama i dopunama Standarda za uklanjanje mina i neeksplozivnih ubojnih sredstava (NUS-a) u Bosni i Hercegovini i Standardnih operativnih procedura za humanitarno deminiranje (SOP) te usaglašavanja stručne regulative sa međunarodnim standardima i aktivnostima u pravcu implementacije novog koncepta redukcije sumnjive površine *Land release* (oslobađanje zemljišta), što bi za rezultat trebalo da ima efikasnije, jeftinije i učinkovitije oslobađanje sumnjive i rizične površine od mina, a samim tim i efikasnije deminiranje kao nadležnost države. U pravcu usvajanja pomenutog koncepta *Land release* Komisija je u 2016. godini usvojila i odobrila tri Poglavlja Standarda za: Vraćanje površine, Netehničko izviđanje i Tehničko izviđanje, kao i Privremeno uputstvo (smjernice) za osiguranje i kontrolu kvaliteta, čime su se stekli neophodni uvjeti za dalje aktivnosti i rad na redukciji sumnjive površine od mina.

Poduzete su aktivnosti na izmjeni unutrašnje organizacije i sistematizacije radnih mjesta u BHMAC-u. U kontekstu navedenog vrši se detaljna analiza svih poslovnih procesa i aktivnosti sa tendencijom identifikacije uskih grla i kritičnih tačaka, koja bi se izmijenjenom sistematizacijom i jasnijim definisanjem nadležnosti, odgovornosti i vertikalno-horizontalne subordinacije trebalo eliminisati ili svesti na minimalni nivo.

Uspostavljena je aktivna saradnja sa Međunarodnim povjerilačkim fondom za poboljšanje ljudske bezbjednosti (u daljem tekstu: ITF), UNDP-om i drugim međunarodnim organizacijama, diplomatskim predstavništvima zemalja donatora i dr. Kako bi se obezbijedila određena donatorska sredstva za proces deminiranja u BiH. Osnovni problem zadržavanja donatora na projektima deminiranja u BiH je nedostatak vlastitih sredstava namijenjenih za ove potrebe. Zbog toga je alarmantan stav mnogih donatora je da će se povući iz procesa deminiranja u BiH ukoliko domaće institucije ne obezbijede sredstva i iz vlastitih izvora.

U okviru Analize provedbe strategije protivminskih aktivnosti 2009-2019 izrađena je Opšta procjena minske situacije u BiH koja je obuhvatila istraživanje uticaja mina na bezbjednost stanovništva u BiH. Kriterije za određivanje nivoa ugroženosti zajednice predstavljali su preliminirani rezultati popisa stanovništva u BiH iz 2013. godine, veličina sumnjive opasne površine u ugroženoj zajednici i površina ugrožene zajednice. Opšta procjena minske situacije u BiH je identifikovala 1.369 ugroženih zajednica pod uticajem mina u kojima živi 517.238 stanovnika ili 14% od ukupnog broja stanovnika BiH. Kasetnom municijom u Bosni i Hercegovini je trenutno zagađeno 7,7 km<sup>2</sup> od toga 2,7 km<sup>2</sup> zagađenih sa pojedinačno ispaljivanom kasetnom podmunicijom na minski zagađenim površinama i 0,74 km<sup>2</sup> zagađeno sa kasetnom municijom upotrebljenom na konvencionalni način na minski zagađenim površinama. Do sada je identifikovano ukupno 79 mikro lokacija. Mikro lokacije se nalaze na području sedam od osam regionalnih ureda/kancelarija Centra za uklanjanje mina u BiH. Trenutna veličina sumnjive opasne površine na mine u BiH iznosi 1.118,66 km<sup>2</sup> ili 2,2% u odnosu na ukupnu površinu BiH<sup>1</sup>. Kroz

<sup>1</sup> Prema prvoj procjeni Centra za uklanjanje mina u BiH iz 1998. godine, sumnjiva opasna površina na mine u BiH je iznosila 4.200 km<sup>2</sup> ili 8,2% od ukupne površine BiH.

operacije sistematskog izviđanja definisano je 8.796 sumnjivih mikrolokacija na mine na kojima je, procjenjuje se, zaostalo 80.696 mina/eksplozivnih sredstava zaostalih iz rata (u daljnjem tekstu ESZR). Trenutna veličina sumnjive opasne površine na kasetnu municiju u BiH iznosi 7,54 km<sup>2</sup>, od čega je 4,3 km<sup>2</sup> kombinovana sumnjiva opasna površina na mine i kasetnu municiju. Kroz operacije sistematskog izviđanja definisano je 211 sumnjivih mikrolokacija na kasetnu municiju na kojima je, procjenjuje se, zaostalo oko 2.000 komada kasetne podmunicije/ESZR.

U BiH je u 2016. godini akreditovano 26 organizacija za protivminsko djelovanje, od čega: 5 vladinih organizacija (Oružane snage BiH, Federalna uprava Civilne Zaštite FBiH, Republička uprava Civilne Zaštite RS, Civilna Zaštita Brčko Distrikta i Društvo Crvenog Krsta/Križa BiH), 9 komercijalnih organizacija (8 domaćih i 1 međunarodna) i 12 nevladinih organizacija (10 domaćih i 2 međunarodne). U akreditovanim organizacijama angažovano je 1.328 lica koja posjeduju akreditaciju za obavljanje poslova protivminskog djelovanja i ovlaštenje za rad, odnosno 900 deminera i 428 lica koja su ovlaštena za obavljanje rukovodnih i nadzornih zadataka (vođe timova, vođe radilišta, operativni oficiri, oficiri za osiguranje kvaliteta, treneri prega, kerovođe, operateri i dr.).

Prosječan broj pronađenih mina u Bosni i Hercegovini iznosi oko 10 mina/1 ha. U BiH je registrovano 4.286 pripremljenih projekata za dalje operacije tehničkog izviđanja, čišćenja mina/kasetne municije (status: čekaju donatora) sa ukupnom površinom od 315,75 km<sup>2</sup> ili 28% od ukupne sumnjive opasne površine u BiH. Od toga, 23 projekata se odnosi na operacije tehničkog izviđanja i čišćenja kasetne municije sa površinom od 1,12 km<sup>2</sup>.

## PRIKAZ REZULTATA IZVRŠENJA STRATEGIJE 2009-2016

Godina	Generalno izviđanje		Hitno obilježavanje	Tehničko izviđanje		Čišćenje		Pronađeno i uništeno		
	Broj lokacija	Površina km <sup>2</sup>	Broj znakova	Broj zadataka	Površina km <sup>2</sup>	Broj zadataka	Površina km <sup>2</sup>	PP	PT	NUS
2009	1203	100,884	9,546.00	258	10.80	106	1.94	2,112	150	877
2010	1665	99,625	12,068.00	147	9.39	115	2.35	2,350	114	1,130
2011	1799	11,834	13,543.00	145	9.56	131	3.13	1,816	389	5,346
2012	1464	128.95	11,563.00	101	7.46	80	1.30	904	75	636
2013	1566	112.90	9,749.00	108	9.17	83	1.89	1,700	100	941
2014	1220	79.36	11,521.00	137	10.12	87	1.85	1,901	135	2,342
2015	1376	82.19	5,973.00	176	10.39	92	1.78	1,654	129	677
2016	1112	68.85	4,921.00	173	11.64	86	1.83	1,240	64	1,249
UKUPNO	11,405	212,815.25	78,884	1,245	78.53	780	16.07	13,677	1,156	13,198

Razlog za kašnjenje u realizaciji Strategije leži u nedostatku finansijskih sredstava. U periodu 2009-2016. godina plan finansiranja ostvaren sa 50%, (utrošeno 330 miliona KM od planiranih 660 miliona KM, a odnos domaćih i donatorskih sredstava je na nivou 50-50%). U navedenom periodu, iz dodatnih izvora BiH sredstva nisu izdvajana, iako je Strategijom bilo predviđeno izdvajanje 330 miliona KM. U skladu sa procjenom dostupnih finansijskih sredstava za period 2016-2018. godina planirano je rješavanje 1/3 ukupnog minskog problema u Bosni i Hercegovini, za što je potrebno obezbijediti 57,7 miliona KM na godišnjem nivou. Centar za uklanjanje mina u BiH u saradnji sa Ženevskim međunarodnim centrom za humanitarno deminiranje (GICHD) je u 2016. godini započeo pripreme na izradi izlazne Strategije

protivminskog djelovanja za Bosnu i Hercegovinu za period 2018-2025. godina, što je u skladu sa Maputo Akcionim planom, odnosno Maputo +15 Deklaracijom zemalja potpisnica Konvencije o zabrani protivpješadijskih mina ("Otavska konvencija"), koja je usvojena 2014. godine u okviru Treće pregledne konferencije.

#### PRIKAZ TROŠENIH FINANSIJSKIH SREDSTAVA I IZVORA I NAČINA OBEZBJEĐENJA SREDSTAVA ZA IZVRŠENJE STRATEGIJE 2009-2015



S obzirom na naprijed navedeno, predlaže se VM BiH da razmotri Informaciju i usvoji slijedeće:

#### Z A K L J U Č K E

1. Usvaja se Informacija Ministarstva civilnih poslova o stanju u oblasti deminiranja u BiH sa Akcionim planom za otklanjanje primjedbi revizije učinka u oblasti deminiranja po Izvještaju o reviziji učinka na temu „Efikasnost sistema deminiranja u Bosni i Hercegovini“, broj 01-02-03-10-16-1-1101-6/16, od 04.11.2016. godine.
2. Zadužuje se Ministarstvo civilnih poslova da Predstavničkom domu i Domu naroda PS BiH dostavi Informaciju o stanju u oblasti deminiranja u BiH sa Akcionim planom za otklanjanje primjedbi revizije učinka u oblasti deminiranja po Izvještaju o reviziji učinka na temu „Efikasnost sistema deminiranja u Bosni i Hercegovini“, broj 01-02-03-10-16-1-1101-6/16, od 04.11.2016. godine.
3. Zadužuju se sve institucije iz Akcionog plana da bez odlaganja pristupe izvršenju zadatih mjera i aktivnosti.



# AKCIONI PLAN

za otklanjanje primjedbi revizije učinka u oblasti deminiranja po Izvještaju o izvršenoj reviziji učinka na temu "Efikasnost sistema deminiranja u Bosni i Hercegovini" broj 01-02-03-10-16-1-1101-6/16 od 04.11.2016. godine

Re. br.	Preporuka	Planirane aktivnosti	Nosioac aktivnosti	Stepen realizacije	Rok za realizaciju
1	2	3	4		5
Preporuke iz 2016.					
<b>Preporuka za VM i MCP:</b>					
U cilju obezbjeđenja implementacije vlastitih strateških opredjeljenja i ispunjavanja međunarodnih obaveza BiH, VM u saradnji sa MCP treba da:					
1	Poduzme sve aktivnosti kako bi se osigurala finansijska sredstva potrebna za deminiranje ispunjenje strateških ciljeva BiH.	VM će zadužiti nadležne institucije BiH (MCP, MOD, MFIT i BHMAC) da planiraju budžete u skladu sa donesenim strateškim dokumentima za izvođenje protivminskih aktivnosti.	MCP MOD MFIT BHMAC		31.12.2017.
2	Poduzme sve neophodne aktivnosti s ciljem osiguranja efikasnosti institucionalnog okvira	VM će, na prijedlog MCP, utvrditi Nacrt Zakona o izmjenama i dopunama Zakona o deminiranju u BiH i uputiti ga u parlamentarnu proceduru.	MCP		31.12.2017.
<b>Preporuka za MCP:</b>					
1	MCP, kao nosilac nadležnosti deminiranja u BiH, treba osigurati implementaciju strateškog cilja ministarstva u segmentu deminiranja.	MCP će uspostaviti sistem s jasno definisanim ciljevima, odgovornostima i resursima potrebnim za uspješnu realizaciju zakonskih obaveza MCP. MCP će pristupiti izmjenama Pravilnika o unutrašnjoj organizaciji i uspostaviti novu organizacionu jedinicu u oblasti deminiranja.	MCP		31.12.2017.
2	Da poduzme aktivnu ulogu u rješavanju problema koji se javljaju u radu BHMAC-a i/ili Komisije.	MCP će utvrditi jasan način informisanja istog od strane BHMAC-a i Komisije, sa jasno definisanim rokovima (kvartalno, polugodišnje i godišnje).	MCP		31.12.2017.
3	Definisati svrhu i pravila potrošnje odobrenih sredstava za aktivnosti deminiranja	Komisija za deminiranje u BiH će utvrditi program utroška sredstava planiranih za deminiranje u okviru MCP, koristeći mogućnost mećiranja sredstava sa donatorima.	Komisija za deminiranje u BiH		31.12.2017.
<b>Preporuka za Komisiju:</b>					

1	Definisati i precizirati aktom zakonsku obavezu Komisije "nadzor nad radom BHMAC-a".	Komisija će, kroz učešće u Radnoj grupi za izradu nacrtia Zakona o izmjenama i dopunama Zakona o deminiranju u Bosni i Hercegovini, predložiti preciznije definisanje nadležnosti i obaveze Komisije u odnosu na BHMAC, uključujući i definisanje nadzora nad radom BHMAC-a.	Komisija za deminiranje u BiH	31.12.2017.
<b>Preporuka za BHMAC:</b>				
1	Kontinuirano analizirati Standardne operative procedure i predlagati izmjene u cilju osiguranja kvalitete procesa deminiranja	BHMAC je pokrenuo izradu novog Standarda i Standardnih operativnih procedura u cilju uvođenja novih metoda rješavanja tehničke situacije u sklopu koje će implementirati potrebne izmjene i dopune u cilju unapređenja upravljanja kvalitetom, stvoriti uslove za efikasniji, transparentniji i efektivniji procesa deminiranja	BHMAC	31.12.2017.
2	Efikasnije provoditi kontrolu kvaliteta pripreme projekata deminiranja	BHMAC je pokrenuo izradu novih Standardnih operativnih procedura u kojem će jasno biti utvrđen i princip osiguranja kvaliteta izrade projekata, sa jasnom identifikacijom i utvrđenom linijom lanca odgovornosti i obaveznih aktivnosti u osiguranja kvaliteta pripreme projekata svih učesnika od izrade projekata do njegovog konačnog usvajanja. Pokrenut je postupak i izrade nove metodologije prioritizacije zasnovan na potrebama lokalne	BHMAC	31.12.2017.
		Kroz izmjenu sistematizacije jasnije utvrditi nivoe, nadležnosti i odgovornosti u pripremi i izradi projekata i projektne dokumentacije	BHMAC	31.12.2017.
3	Sistemska analizirati i definisati uska grla u uspostavljenom procesu KK deminiranja i unutrašnje kontrole, i na osnovu rezultata predložiti mjere za unapređenje kontrole kvaliteta deminiranja	U procesu izmjene sistematizacije i unutrašnje organizacije ojačati sistem Odjeljenja za unutrašnju kontrolu. Usposavit će se obaveza vršenja evaluacije svakog deminerskog zadatka, u progresu i nakon završetka, sa ciljem utvrđivanja očekivanih rezultata. Čime bi se podigao nivo provođenja osiguranja kvaliteta deminiranja.	BHMAC	31.12.2017.
4	Uraditi sistemski pregled datih priporuka u dosadašnjim izvješćima s nesreća i pronađenih nepravilnosti i predložiti rješenja za unapređenje sistema deminiranja	BHMAC-a će formirati radnu grupu od osoblja koje je učestvovalo u istragama nesreća ili nadenih nepravilnosti u toku rada ili u toku korištenja sigurnih površina, kao i osoba koje su stvarale navedene projekte i kontrolirale deminiranje. Cilj sistemske analize je identifikirati uzroke grešaka, dopuniti ili izmijeniti procedure koje su dovele do grešaka, identifikirati organizacije i Regionalne uvode BHMAC-a kod kojih su uočena ponavljanja grešaka i definirati disciplinske mjere i dodatne obuke osoblja organizacija i BHMAC-a.	BHMAC	31.12.2017.

5	Koristiti u potpunosti mehanizam disciplinske odgovornosti prilikom deminiranja sa ciljem smanjenja ponavljanja uočenih nepravilnosti	BHMAC će preporuku implementirati kroz dalji rad, analize i kontrolu procesa deminiranja.	BHMAC	31.12.2017.
6	Definisati pravila i procedure ponašanja i osigurati transparentnost u radu predstavnika BHMAC-a prilikom najjeftinijeg na tenderima ITF-a	BHMAC će u saradnji sa ITF-om donijeti akt (Pravilnik/Poslovnik) kojim će se definisati način rada evaluacijske/tenderske komisije ITF-a, obaveze učesnika, utvrditi šta BHMAC dostavlja ITF-u za potrebe tendera, te u cilju unapređenja transparentnosti i javnog interesa obavezu prisustvovanja predstavnika BHMAC-a/Komisije tokom kompletnog procesa odabira izvođača radova. Potrebno je saglasnost ITF Slovenija da se radi na ovom dokumentu.	BHMAC ITF Slovenija	31.12.2017.
7	Preduzeti sve mjere i aktivnosti s ciljem sprečavanja mogućnosti korupcije u procesu deminiranja	BHMAC će u potpunosti implementirati određene mjere iz Plana integriteta, a kroz izmjenu sistematizacije unaprijediti opise radnih mjesta, načine i vrstu nadzora, te formiranjem Odjeljenja za unutrašnju kontrolu jasno postaviti sisteme izvještavanja sa kontrolnim mehanizmima.	BHMAC	31.12.2017.

#### LEGENDA:

VM - Vijeće Ministara Bosne i Hercegovine,  
 MCP - Ministarstvo civilnih poslova Bosne i Hercegovine,  
 MOD - Ministarstvo odbrane Bosne i Hercegovine,  
 MFIT - Ministarstvo finansija i trezora Bosne i Hercegovine,  
 BHMAC - Centar za uklanjanje mina u Bosni i Hercegovini,  
 ITF - Međunarodni povjerljivi fond za poboljšanje ljudske bezbjednosti.

MINISTAR  
 dr. sci. Adil Osmanović





Broj: 05-07-1-38-31b/17  
Sarajevo, 20. 1. 2017. godine

БОСНА И ХЕРЦЕГОВИНА  
МИНИСТАРСТВО ЦИВИЛНИХ ПОСЛОВА  
САРАЈЕВО

ПРИМЉЕНО:	26-01-2017		
Организациона јединица	Класификациона ознака	Радни број	Број прилога
15	16	1	2563/16

15  
26-01-2017

MINISTARSTVO CIVILNIH POSLOVA  
- *n/r tajnika Ministarstva* -

SARAJEVO

**PREDMET:** Obavijest o zaključku Vijeća ministara BiH

Vijeće ministara Bosne i Hercegovine na 88. sjednici, održanoj 18. 1. 2017. godine, upoznalo se sa zaključcima koje je Zastupnički dom Parlamentarne skupštine Bosne i Hercegovine usvojio na 40. sjednici, te u vezi s tim donijelo sljedeće zaključke:

- za realizaciju zaključaka usvojenih u povodu rasprave o Izvješću o izvršenoj reviziji učinka o temi „Efikasnost sustava razminiranja u Bosni i Hercegovini“ zaduženo je Ministarstvo civilnih poslova u saradnji s Povjerenstvom za razminiranje u BiH i Centrom za uklanjanje mina u BiH.

O zaključku vas informiramo radi njegove provedbe, te s tim u vezi u prilogu dostavljamo navedeni zaključak.

S poštovanjem,

500  
GENERALNI TAJNIK  
Zvonimir Kutleša